



**Sud Bosne i Hercegovine**  
**Sud Bosne i Hecegovine**

---

Broj: S1 3 Iž 037779 20 Iž  
Sarajevo, 20.10.2020. godine

Sud Bosne i Hercegovine, u vijeću Apelacionog odijeljenja sastavljenom od sudija Mirsade Džindo, kao predsjednika vijeća, Zvezdane Antonović i Dinke Bešlagić Čovrk, kao članova vijeća, odlučujući o žalbi Knežević Mirjane, Gruda 17, 20215 Gruda, izjavljenoj protiv Odluke Centralne izborne komisije Bosne i Hercegovine broj: 05-1-07-1-998/20 od 01.10.2020. godine o odbijanju upisa u izvod iz Centralnog biračkog spiska za glasanje izvan Bosne i Hercegovine za Lokalne izbore 2020. godine, u nejavnoj sjednici, održanoj dana 20.10.2020. godine, donio je

**R J E Š E N J E**

**Žalba se odbija.**

**O b r a z l o Ź e n j e**

Odlukom Centralne izborne komisije Bosne i Hercegovine, broj i datum navedeni u uvodu, odbijen je upis u izvod iz Centralnog biračkog spiska za glasanje izvan Bosne i Hercegovine za Lokalne izbore 2020. godine po podnesenim prijavama do 01.09.2020. godine, jer nisu ispunjeni uslovi propisani odredbom člana 3.15 stav 1., 2. i 3. Izbornog zakona Bosne i Hercegovine. U odnosu na žaliteljicu odbijen je upis iz razloga što je na istoj adresi registrovano pored žaliteljice, još pet lica (ukupno šest lica) .

Žaliteljica je protiv navedene odluke blagovremeno izjavila žalbu u kojoj navodi da je njena prijava odbijena jer je na njenoj adresi evidentirano više o 6 osoba koje glasaju putem pošte. Navodi da je na adresi pored nje prijavljeno još 5 osoba (podstanara). U smislu navedenog žaliteljica ističe da broj osoba prijavljenih na istoj adresi nije više od šest. Predlaže da se žalba usvoji, kako bi mogla ostvariti svoje građansko pravo da glasa.

Centralna izborna komisija Bosne i Hercegovine u odgovoru na žalbu navodi da adresa za dostavu glasačkog materijala za Mirjanu Knežević, označena u Prijavi za glasanje izvan BiH PRP-1, ukazuje na mogućnost organizovanog djelovanja pojedinaca ili grupe na zloupotrebi biračkog prava, obzirom da je utvrđeno da je ista adresa izvan BiH za ukupno 6 lica, zbog čega predlaže da se žalba odbije kao neosnovana.

Ispitujući pobijanu odluku u okviru žalbenih navoda, vijeće Apelacionog odjeljenja Suda Bosne i Hercegovine je zaključilo da žalba nije osnovana.

Iz stanja spisa proizlazi da je Centralna izborna komisija BiH prije donošenja pobijane odluke utvrdila da je označena adresa za prijem glasačkog materijala kao i elektronska adresa na prijavi ista, kako za žaliteljicu tako i za još 5 lica, sa istom biračkom opcijom za sve prijave.

Stoga, Centralna izborna komisija BiH je, na osnovu potpuno i pravilno utvrđenog činjeničnog stanja, izvela i pravilan zaključak, da bi se dostavom osjetljivog izbornog materijala na istu adresu Gruda 17, 20215 Gruda, R Hrvatska (kod Gomoljez Đure), povrijedilo osnovno izborna načelo tajnosti glasanja i izbora direktno od strane birača, a koje garantuje odredba člana 1.3 Izbornog zakona BiH, te da izborna manipulacija može za posljedicu imati planirani izborni rezultat.

Napomene radi, žaliteljici nije oduzeto biračko pravo za Lokalne izbore 2020. godine, nego samo mogućnost glasanja putem pošte izvan BiH, jer ista može glasati na redovnom biračkom mjestu u općini u kojoj ima prijavljeno prebivalište u BiH.

S obzirom na navedeno, po ocjeni ovog vijeća, pobijana odluka Centralne izborne komisije Bosne i Hercegovine je pravilna i zakonita, a žalba neosnovana, pa je istu, primjenom odredbe člana 81. stav 1. Zakona o upravnim sporovima Bosne i Hercegovine (Sl. glasnik BiH br. 19/02 do 74/10) valjalo odbiti.

Predsjednik Vijeća  
Sudija  
Mirsada Džindo